



CUIDA BO AUTO CU PIESANAN DI NAPA AUTO-PARTS OBTENIBLE NA NOS SUCURSALNAN NA:

Cura Cabay 145
Tel: 584-5046

Sabana Blanco 70
Tel: 583-4363

Shaba 1
Tel: 587-0621



Na caminda pa nos celebracion di 262/60 aña di Kapel di Alto Vista Un tiki di e historia di nos Kapel di Alto Vista: recaudamento di fondo

FOR di buki conmemorativo di Parokia di Noord 1777-1979 nos a saca tambe e historia pa loke ta trata e parti di recaudamento di fondo padilanti te cu e realisacion di e reconstruccion di Kapel di Alto Vista.

Autornan cu a skirbi e buki conmemorativo aki ta srs. M.J. Flanegin, P.v.d. Vaart O.P., A. Flanegin. Fuentenan consulta tabata: Historia di Alto Vista y Millefiori di Aruba di Pastoor Nooyen O.P., Geschiedenis van de R.K. Missie op de Nederlandse Antillen deel 1., Cronicanan di Misa di Noord, Archivonan y Aruba, zoals het was, zoals het wer di Dr. Johan Hartog.

E plan di Sra. Francisca Henriquez-Laclé, Shon Kita, pa

reconstrui e Kapel di Alto Vista a bira posibel danki na e bon cooperacion cu e la ricibi for di henter comunidad. Despues di e buitendag na 1946 y e picnic na Plantage Tromp Shon Kita no a para keto.

Durante aña 1948 tur diadomingo hopi hende tabata bay na e fundeshi bieu di e kapel pa resa pidi Mama La Birgen yuda nan realisa nan plan pa traha un kapel nobo ey nan. Hunto nan tabata resa nan Rosario. Un collect tabata wordo pasa cu un ermbos, riba cual tabata skirbi “yuda pa traha un kapel”. Cada bes un F.50,- a F.60,- a wordo ricibi.

Na aña 1949, tabatin un fondo caba di F. 3.000,- y cu accionnan



chikito nan tabata aumenta e fondo. Un comision a wordo forma y e siguiente personanan a bira miembro di dje: Shon Kita Henriquez, Maria Tromp, Maria Eckmeyer, Nicasio Farro, Rey Farro, Chapin Figaroa, Remigio Frank y Nicasio Semeleer, Dia 16 di September 1949 Shon Kita a skirbi su prome carta pa Mrg. Zeppenfeldt pa pidi su aprobacion. Pastoor A.v. Weerelt, kende a sigui pastoor Roghmans na September 1945 como pastoor di Noord, tabata curasha miembronan di comision, pero Mrg. Zeppenfeldt a mostra su mes poco skeptico. Ora un dia Shon Kita a bay papia cu ne, el a bisa: “Pa cabrito boso ta traha e capilla”.

Na aña 1950 e fondo a crece bira F. 5.000,-. Awor Shon Kita a bay informa prijs di un imagen di La Birgen basta grandi como Reina di Santisimo Rosario y e mes a bay Hulanda na Venlo pa mira e conceptonan y pa duna



e artistanan di Firma G. Linsen conseho.

Dia 30 augustus 1951, e imagen a yega Aruba y pasobra e kapel no tabata traha ainda, nan a pone den misa di Noord.

Mediante di e diferente comunicado informativo cu nos comision ta sacando nos ta purba di tiki tiki yega na e punto culminante caminda cu ta realisa e soño di Shon Kita y cu poco poco a bira e soño di henter Aruba, esta pa reconstrui e Kapel di Alto Vista.

Por ultimo nos kier haci uzo di e oportunidad di corda un y tur cu awe, 1 di october 2012, e nobena na Alto Vista ta cuminsa pa 5:30 y lo wordo dirigi pa Parokia di Paradera.

